

Cayente astronomico a bay pa South
Beach Lounge y Señor Frog's

Como 15.000 Florin na multa den un solo anochi na Palm Beach

ORANJESTAD(AAN): Keto bay tin un cantidad di clubnan nocturno cu no ta cumpliendo cu e sentencia di huez. Esaki ta duna espacio pa e demandantenan actua contra esnan cu ta actuando contra e sentencia.

E tin di haber cu e sonidonan fuerte di musica cu ta sali for di cierto clubnan nocturno of barnan den e strip cu tin pariba di e high rise hotelnan.

Cu Sound-Meter den man, ta check e dB di sonido, e siman aki e.o. Señor Frog's por ehempel a haya un multa di 5.000 Florin.

E mesun anochi na South Beach Lounge tambe a pasa e limite cu huez a pone den e sentencia y aki tambe 5000 Florin a cay. Despues di haci un recorrido a bolbe na South Beach Lounge y un biaha mas ta constata cu e musica tabata duro. Otro multa di 5.000 a cay atrobe.

Den un solo anochi South Beach Lounge a haya 10.000 Florin di multa. E negoshi tabatin musica latino ta toca bay off cu sonido ta plama bay pabao pa e Hotelnan.

Polis, deurwaarder y abogado a presenta na e localidadnan aki despues cu a tende di e sonido di musica duro. A confirma esaki cu ekipo di midi sonido y asina a pone e multanan, basa riba e dB di nivel di sonido.

Un incumplimento constant cu sancionnan uno tras di otro por nifica tambe cu e permiso por core peliger.

*Diana
22 April 2015*